

APU SIMI QELQA N° 29896*

PERUSUYUNTIN KAMACHEQ UMALLEQ

IMA RAYKU:

Perusuyuntinpa Apullikunaq Rimanan Suntur Wasimanta
Qomunku key kamacheq qelqata:

PERUSUYUNTINPA APULLIKUNAQ RIMANAN SUNTUR WASIMANTA
Qomunku key kamacheq qelqata:

APU SIMI QELQA KAMACHIN SAPANKA LLAQTAPI LLANK'ANA WASIKUNAPI, KALLANTAQ HOQ RUNAQ OTAQ ASKHA RUNAQ LLANK'ACHINAN WASIKUNAPIPAS KANANMI HOQ WASI, LLANK'ANANKUPI WAWA ÑUÑUQ WARMIKUNAQ, WAWANTA CHEYMAN SAQENANKUPAQ.

Hoq phasmin qelqa. Imapaqmi key qelqa

Sapanka Estadoq llank'anana wasikunapi, kallantaq hoq runaq otaq hoq t'aqa runaq llank'achinan wasikuna, ichaqa llank'ashananku iskay chunka warmikuna, otaq aswan askhapis kashankuman wawa tarinanku watakunapi, paykunapaq allcharikuchun hoq wasi.

Kamacheq qelqata qomunqaña hunt'anapaq yupaynin 009-2006-MIMDES, chey qelqa chaninchamun imaynas imakunayoqsi kanan, wawa saqenanku wasi, llapan hunt'asqa churakunampaq llank'ana wasikunapi kashan Estadoq, wakinqa hoq runaq otaq hoq t'aqa runaq llank'anana wasikunapi kanan, maypichus llank'ashan inkay chunka warmikuna aswan askhapas, kashankuman wawa tarinanku watakunapi, cheypaqmi key kamacheq qelqata qomusqa MIMDES, allin chaninchasqata imakunayuqsi kanan key wasikuna, llank'aq warmikuna yanapanapaq.

Iskay phasmin qelqa. Imaynan kanqa wawayoq llank'aq warmikuna wawa saqenankupaq

Kunan kamacheq qelqa hunt'akunampaq, sapanka llank'ana wasipi kashan Estadoq, wakinqa mana Estadoqchu, kunan allcharinankun kanqa kamacheq qelqaq nisqanman hina mana imapis pisinampaq, keypin wawa ñuñuq llank'aq warmikuna, ñuqñunta oqokuspa saqenqaku wawankupaq, llank'ananku kama ch'isiyaq p'unchaypi mana

* N.T. Perusuyuntinpa Apullikunaq Rimanan Suntur Wasimanta, DIDP. qelqa t'iqramuq t'aqa Castilla simimanta Runa simiman, t'iqramuqnin Claudio A. Conde C

llank'anankumanta lloqsiyta atinkumanchu chey rayku, ichaqa ñuqñunku allin waqaychasqan kanan, hinapin llank'aq warmikunata yanapakunqa.
Allin allcharisqa kanan llank'aq warmikunaq wawan uywaysinapaq.

Kinsa phasmin quelqa. hayk'a unaypin wawakunapaq allcharikunqa llank'ana wasikunapi.

Llank'ana wasikuna kashan mana Estadoqchu hoq runakunaq, key wasikunan allcharinqa mana ima pisinanpaq wawayoq llank'aq warmikunapaq, qoshanku isqon chunka p'unchayta, ichaqa kunan quelqawan ñawpa Decreto Supremo 009-2006-MIMDES kamachisqa kuskallan kanan hunt'akunanpaq rimanakusqanku qhepantin punch'ay manta pacha yupayunqa isqon chunka p'unchay.

Estadoq llank'anan wasikunapiqa qatipanqa kasqallantaimaynachus kamachisqa kashan Decreto Supremo 009-2006-MIMDES imapis pisiqtinqa allchapaykunapas kanman, ichaqa kasqallan qatipakunqa mana waqlinqachu.

Tawa phasmin quelqa. Kamacheq quelqa allchapayukunqa suntur wasi Poder Ejecutivo.

Suntur wasipi umalleq Poder Ejecutivo chanincharinqa Ministerio de la Mujer Ilaqtakuna kanman kurkunpi k'irisqa otaq simiwanpas, kuska rimanayukuspa Ministerio de Trabajo y Promoción de Empleo, paykunan qhawarinqaku, chanincharinqaku imaynatas allcharikunqa kamacheq quelqa hunt'ananpaq kunan key quelqawan, ñawpaq kaq Decreto Supremo 009-2006-MIMDES, ichaqa hunt'akunanmi kashan soqtachunka p'unchay ukhullapi, yupakunqa llank'ana p'unchaykunalla, llapamanta qhawariqtinku imachus allchapaykuna kaqtinqa kunan rakinayukunqaku llank'anata ima ruwanankuta, allin yanapanapaq llank'aq warmikuna wawankuta sumaqpi wiñachinankupaq.

Willakuchun Wiraqocha Perusuyuntinpa Munayninwan Umalleqman, kamacheq willakuy mast'arikamuchun suyuntinpaq:

Lima suyupi, Iskaychunka hoqniyoq p'unchaypi, Inti raymi killapi, Iskay waranqa chunka iskayniyoq watapi.

DANIEL ABUGATTÁS MAJLUF

Perusuyuntinpa Apullikunaq Rimanan Suntur Wasipi Umalleq

MANUEL ARTURO MERINO DE LAMA

Perusuyuntinpa Apullikunaq Rimanan Suntur Wasipi Iskay qatiqmanta ñawpaq kaq Umalleq

WIRAQOCHA PERUSUYUNTINPA MUNAYNINWAN UMALLEQMAN

CHEY RAYKU:

Kamachinin willakuy mast`arikuchun hunt`akuchuntaq.

Qomunku Perusuyu Umalleqpa wasinmantapacha, soqta p`unchay Antasituwa killapi
iskay waranqa chunka iskayniyoq watapi.

OLLANTA HUMALA TASSO

Perusuyuntinpa Munayninwan kamacheq Umalleq

OSCAR VALDÉS DANCUART

Hach`awanqo wasipi kunawa Umalleq